



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.118





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.

CFMAGL. 1.6.118



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.118



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.118

1. 6. 118

1.6.118


11

23314

VII

VOETS

Ex Legato Dni. Equitis Antonii
Francisci de Marnis





11

S. HENRICVS
BAVARIAE DVX
ET
IMPERATOR.
TRAGI-COMOEDIA

EXHIBITA TVNGRIS
A Studiosis Collegij DD. Canonicorum Regula-
rium S. Augustini, Ludis Enccœnialibus
Idibus Septembris 1627.

Directore IOANNE VOETS Tungrensi Canonico Regulari.


AD
ILLVSTRISSIMVM COMITEM
De Riuiere, Heere, &c.



LEODII,
Excudebat Leonardus Streeck Typogr. iuratus.
M. D. C. XXVII.

Superiorum permissu.

1.6.118



ILLVSTRISSIMO
H E N R I C O
COMITI DE RIVIERE, HEÈRE;
DOMINO IN HORPMAEL,
Iesserén, VVemertingen, &c.



Anc de Sanctissimo Cæsare Hen-
rico Patrono Tuo, COMES ILLV-
STRISSE, Tragicomediam S.E.
oblaturus venio, tùm quòd illius
nomen refers, cùm quòd ea S.E. &
viris nobilissimis, quos eadem ad-
duxerat, aliisque spectatoribus om-
nibus, dum nuper à Iuuentute nostra ludis Enceniali-
bus exhiberetur ita placuisset, vt summo omnium
plausu exciperetur, & ab omnibus prælo digna iudi-
icaretur. Nunquam ea mens mihi virium mearum
probè gnaro fuerat, vt inter tot huius sæculi doctissi-
mos lucem videret viros, vt nec ea mihi mens tot dig-
nitatibus fulgenti COMITI, tantoque Heroi tam exi-
guum munus exhibere, nisi plurimorum Spectatorû
† 2 quibus

EPISTOLA DEDICATORIA.

quibus actio placuerat acclamationibus persuasum mihi fuisset S. E. exoptasse ut hæc qualiscumque publicum typis commissa videret. Accipe igitur, GENEROSISSIME COMES, hanc Henrici Sanctissimi Cæsaris Patroni tui, cuius & nomen refers, vitam hanc primam terrestrem, mortem etiam, ac tandem vitam illam alteram eamque cælestem, quam sicut ipse cum sanctissima coniuge sua, post omnia pietatis & charitatis in omnes exercita officia consequutus est, ita ut & Tu cum Consorte per sanctissimi Spiritus gratiā possitis adipisci IESVM Christum redemptorem nostrum, cuius Natalitia nunc Christiani colimus, flexis rogo genibus.

*Illustriss. Generosissimæq;
S. E.*

devotiss.

IOANNES VOETS *Canonicus
Regularis.*

AD EVNDEM

Echo congratulans.

Adsint sint Musæ, citharas aptentq; sonoras,
Oras Tungrorum mox petite ite rogo:
Laudandus laudi dandus per metra sororum
En præsens Præses qui celebreris, cris:
Flate modus, odis; applaudite, plaudite versu
Stemma tuum Claræ Ter Generosæ Rosæ.
Non referā innumerū numerum, & facta acta virorū,
Quos dedit edit Stirps Celsa Riuire, vire!
Solemni resonat, sonat illam Belgica laude:
Aude in perpetuum Stirps celebrata, rata!
Illustris lustris, non osa, annosa Propago,
Quæ superas super has, quas stupet Aula Domos.
Fonte venis è venis Tu Comitumq; Ducumque,
Ducuntque hos celebres Archotis Arua viros.
Conspicio io præfert fert quæ Insignia signa,
Lilia conspicuo florida flore tria.
Qui sic è sic. Effloret! floret nobile Stemma,
Et Virtus ut thus spirat odore procul.
Ac pietate pia ætate est armatus amatus,
Hinc eius mores, vita parata, rata.


ECHO.

*Cur plura exornant, ornant Te Lilia? Quod Te
Virtutum Tutum gloria tradit? Adit.
Lilium vt in riguo irriguo præ flore refulget,
Re fulget latè à Te tibi Vita & ita.
Insuper en video vi ideo Tibi ferta micare,
A re dignum cui Regia ferta micent!
Verè è re! emerito meritò das Cæsaris Aula,
Vt Comitibus mitis sit tibi dictus honos.
Quidquid amat, id amat, virtute notabilis ætas,
Vita in Te quidquid splendida quærit, erit.
Ergo bene, ô bene! fundat dat Tibi Cæsar honores,
O res! hinc canimus Io Riuire vire.*

Gratulationis ergo accinebat

I. V. C. R. T.






AD LECTOREM.


T Verum fatear, Candide Lector, cum primū huius Tragicomediae Scenas contexerem, non ea vnquam mihi fuit intentio illam typis edendi: nam totus in eo eram ut versus redderem faciles, verbis maximè & sensu obuiis, sepositā omni Poëticarum vocum farragine, quo citius iuuenum memoria retinerentur, recitarentur affectuosius, facilius perciperentur. Aduerti enim sæpe tum aliorum, tum propriā edoctus experiētiā, quo magis Pieridum fontes sapiunt carmina, eò difficiliora reddi discentibus, recitari sine gestuum & verborum affectu (quippe à tyronibus non ita intelliguntur) audiri à plerisque sine intellectu, nec enim primo conceptu, ob figurarum verborumq; obscuriorem stilum, percipiuntur. Quantum ad historiæ veritatem, ea habetur apud Bellarminū Cardinalem De officio Principis Christiani. Nos illam desumimus ex antiquissimo libro Anonymo, qui putatur esse Adelboldi, de quo Sigebertus. Obiit autem Sanctus Imperator Henricus Anno Domini 1024. cum vixisset annos 52. regnasset annos 24. & Imperasset decem. Ita Bellarminus. Vale beneuole Lector, & libelli tenuitatem excuses.



EGERVNT IN HAC TRAGICO-
mœdia Ingenui Adolescentes Collegij Tun-
grensis apud Regulares.



Godefridus Nicolarts Tūgrensis.	Ioannes Timmermans Trudon.
Ioannes Moers Tungrensis.	Wilhelmus Peusens Tung.
Henricus Pex Tungrensis.	Ioannes Stock Tung.
Henricus Castart Tungrensis.	Wilhelmus Milesen ex Tūgerlāt.
Philippus Foumael Burdenfis.	Hieronymus Vinquedes Tung.
Wilhelmus Moers Tungrensis.	Henricus Pex Tung.
Hermānus Danen ex Tūngerlāt.	Georgius Ioannes Mettecouen
Robertus Bellefroy Tungrensis.	Trudonensis.
Nicolaus Scronx Tungrensis.	Gerardus Minyoe Oumaliensis.
Arnoldus Collinet Tungrensis.	Ægidius Moers Tung.
Ioannes Leonarts Tungrensis.	Leonardus Vander Meer Tung.
Petrus Mefen Tung.	Michael Wilbaerts ex Iefferen.
Arnoldus Melon Villariensis.	Wilhelmus Pex Tungrensis.
Wilhelmus Spavven Tung.	Wilhelmus Vaes Tung.
Iacobus Iadoul Tung.	Petrus Preal ex Warfufceez.
Matthias Nicolarts Tung.	Philippus vanden Reydt Tung.
Cornelius Schaetsen Tung.	Gerardus Mossis Tung.
Cornelius Hinesdael Loffensis.	Ægidius Scrupkin Tung.
Christianus Peumans Tung.	Richardus Davvans Tung.
Eraſmus Danielis Tung.	Ioannes Gontis Tung.



Prologus.

B A V A R I A.



*Vot quot comprehendit latè Germania fines,
Præ reliquis meritò fœlix Boiaria iactor.*

*Non ego progeniem Gentis, non pristina stirpis
Orsa petam memores hominum superantia sensus:*

*Non Reges numero; non Martis bellica facta,
Quæ multis gessit Boiorum Natio Regnis.*

HENRICVM solum nostrum decus omne referre

Sufficiet; cuius se longius ardua virtus

Extendens, sibi perpetuum molita decorem,

Boiorum minimè terris contenta manebat;

Sed procul Hesperias, per Germanas procul oras

Hostes quotquot erant Fidei deuicit, & illis

Numinis vnius fecit venerabile Nomen.

Egregiam sanctis virtutem prætulit actis,

Exemplar reliquisq; fuit: non iustior illo,

Non clarus pietate magis, non castior alter.

Quàm benè Casareo ornauit pia tempora ferto

Tarpeius Præsul, terras plaudente per omnes

Christiadum turbâ! fortis nam Caesaris ensis

A

Iustitia,

*Iustitiæ fideiq; tenax, non limina mundi
 Duntaxat fœdâ purgavit sorde Deorum,
 Quin Stygis ense sacro iacuit deuicta potestas.
 Prô latare Polo Cæsar ! latare triumphans !
 Et Virgo latare Polo, & sine sanguine Martyr !
 Hac tria te triplici quondam diademate cinctum
 Terris, in cælis triplici diademate cingunt.
 Ergo nostra petunt Bauarûm Sanctissime Cæsar,
 Vota precum te nostra petunt; fac Numine Diuum
 Et meritis protecta tuis latanter in æuum
 Virtutum vigeat renitens Boiaria flore.
 Et quicumque tuum deuotâ mente iuuamen
 Optant, effectum precibus latentur adesse.*

ACTVS PRIMVS.

SCENA PRIMA.

HENRICVS DVX, COMES PALATINVS CVM FILIA
 KVNIGVNDâ, WILGISVS EPISCOPVS MO-
 guntinus cum suis Nobilibus & Seruis.

Henr. **O** Ptatam dudum Phœbus rutilante quadrigâ
 Duxit ab axe diē, quâ te Clarissime Princeps
 Cum Gnatâ Illustri præsentem cernimus esse
 Nobilibusq; viris. Ad vos ea nuntia misi
 Dignentur nostri fines accedere Regni,
 Vt scirem qualis vobis formata voluntas.
 Nam postquam Bauarûm Dominum mors inuida patrem

Sustu-

TRAGICOMEDIA.

3

Sustulit è medio, soli mihi scepra regenda
 Linquuntur. Scitis mihi quàm Prouincia grandis
 Et populosa subest: lata ut confinia Regni
 Et Proauùm iactet Germania nobile stemma.
 Verum, ne quoquam careat solamine vita
 Tot grauib. Regni curis stringentibus illam,
 Consortem lateris Gnata Comes inclyte Vestram
 Exopto; mecum est gratè victura iugali
 Iuncta thoro, Bauarùm Regni sociataq. sceptris.
 Comes Pal. Letamur meritò nobis, quòd contigit illa
 Sors generosa thori, quâ patre superstite Gnata
 Tam claro est iungenda viro, quem præter auitam
 Progeniem nitidus virtutum splendor adornat.
 Non reprobare licet, sed nec fas esse putamus
 Nostrorum quemquam vestris obstare rogatis.
 Quid sentis Kunigundis? Quid charissima Gnata
 Dicis? An HENRICVM contenta tenere maritum?
 Kunigund. Optime mi Genitor, iustò mihi gratulor inde,
 Dux tam præclarus mea quòd connubia poscat.
 Ast sincera loquor, nunquam fuit illa voluntas
 Chare Pater cuiquam nuptam me tradere sponsam;
 Sed castos habitare Lares: verùm mihi mores
 Et vitæ probitas HENRICI cognita planè.
 Quamuis coniugij nobis mens vna fuisset,
 Ac vllum mihi velle virum, per limina mundi

A 2

HEN-

HENRICO nullus potuisset gratior esse.
 Sæpè eius mecum vitam mirabar & ætus
 Castos atque pios. Quid ni mihi gratuler illud,
 Collaudemq; Deum, quem nec sperare liceret
 In thalami socium mihi nunc offerrier ultro?
 Quare velle meum subiectum est velle Parentis;
 Quod mandas, gratum est, & factu sentio dignum.
 Comes. Illud Gnata probo. Tibi Dux HENRICE perennem
 Hanc sponsam tribuo, Cæli Dominumq; rogamus,
 Præbeat in terris fœlicem ducere vitam,
 Nestoreosq; dies fato claudente, beatæ
 Cum Superis sedes vobis per sæcula dentur.
 Henric. Hanc simul in sponsam duco, Bauarumque Ducissam
 Constituo, mecum populorum Regna regentem.
 Comes. Coniugibus gaudens acclamet vocibus Aula:
 Io HENRICVS cum KVNIGVNDâ coniuge viuat!
 Aula. Io HENRICVS cum KVNIGVNDâ coniuge viuat!
 Henric. Quæ clangore sonus aures mihi buccina replet?
 Quis fragor ille tubæ? Citiùs scrutare minister.
 Wilg. Inclyte Dux salve: votis concordibus unâ
 Cuncti Primores Regni tibi iura dederunt,
 Et Romanorum Regis te nomine dici:
 Quod Maiestati vestræ unâ voce precantur
 Imperij Satrapæ fœlix faustumq; per æuum.
 Henric. Præclari Proceres, cum sit Diuina voluntas

Me

TRAGICOMEDIA.

5

Me (licet indignum) tanto donare decore,
 Et vos concordēs pariter venistis in vnum
 Coniunctis animis Vestrum me dicere Regem;
 Sumo libens, nullo præ fastu mente superbâ
 Inflatu; verum Scripturæ dicta secutus,
 Esse potestatem quamquam de Sidere missam,
 Ac illam sperare licet, modò recta voluntas
 Propria communi patriæ non commoda præfert;
 Sed Regni pacem, Dominiq; procuret honorem.
 Ergo tremens titulos Regales sumo, precando
 Vt Dominus seruo prosper dignetur adesse
 Omnibus in rebus. Grates vobisq; rependo.
 Wilg. Hunc hunc laudo animum: sic Illustrissime Regum
 In cunctis summum Patrem conare fauentem
 Reddere: blanditias reprobēs, miserumq; patronus
 Fac maneas: nec da vitiorum suasis aures,
 Ne te corrumpat regalis gloriæ luxu,
 Hoc nam Regnorum præceptus solet esse ruina.
 Hec dico, non quod dubitem, cuius scio semper
 In solos Superos sinceram tendere mentem,
 Et Patriæ spectare bonum: tu fidus amator
 Iustitiæ, & Christi fidei tutela futurus.
 Quid ni lætanter Germania tota resultet
 Diuinum inuenisse virum, cui Regia sceptræ
 Laudandi vitæ mores conferre probarent?

Nunc

Nunc igitur venerabundus, quoque poplite flexo

Dic sacramentum fidei: mihi nomine Regni

Iurabis Christi fidei servire fidelè,

Et sacræ nunquam legi contrarius esse.

Henric. Is meus est animus vestris parere libenter

Mandatis. Ter magne Deus, qui dirigis actus

Et Regum sensus: cuius veneranda potestas

Omnia Regna tenet mundi subiecta, precantem

Aspice me famulum, & Diuino Numine nostris

Adspira votis, auram largire benignam.

Iuro me fidei semper sacra iura tueri,

Atque Sacerdotum iussus complere paratum,

Iustitiam populo sincerâ lege daturum.

Wilg. Sic Deus adspiret, Superum mittatque fauorem.

Vngat Rex Regum sacro te chrismate Regem.

Auratum diadema comis impono, rogoq̃

Æterno ut cali serto te gloria cingat.

Præbeo sceptrum manu, queis fidus Regna gubernes,

Nec per dona finas, nec te per præmia frangi.

Io Rex multos HENRICVS uiuat in annos!

Aula. Io Rex multos HENRICVS uiuat in annos!

Wilg. Imperet, atque potens fidei sibi subiuguet hostes!

Aula. Imperet, atque potens fidei sibi subiuguet hostes!

Wilg. Nunc vnâ Proceres pariter properemus ad Aulam.

SCENA

SCENA SECVNDA.

HENRICVS, KVNIGVNDÄ, ET VOX CÆLESTIS.

Kunig. **F** Lagrans optavi, Rex & charissime coniux,
 Effari quidquam tectum quod mente tenebam:
 Sed quia nolebam reliquos cognoscere nostrum

Consilium, volui secretum pandere soli.

Non equidem ignoro supremi iussa Tonantis,

Qui nudâ postquam terrâ plasmarat Adamum,

Et sociam dederat, commisso crimine, factum est

Femina quod maneat iussu subiecta mariti.

Sed tua me fecit virtus Henrice probata

Dicere quod teneo, & verbis audacius uti:

Ast quæ Virgineâ verecundia mente moratur,

Non finit, ut casto concepi pectore, fari.

Ergo peto supplex veniam concede roganti,

Ut possim cordis secretum mente patenti

Promere; nec dictis nostris auertito vultum,

Sed pro spe verbis aures inflecte benignas.

Henr. Chara mihi coniunx, de me quid turbida quidquam

Hæres aut dubitas? nostri pars vnica cordis

Et mentis requies, quod habes animosa reuolue.

An sponsus poterit sponsæ contrarius esse?

Perge age, ne dubites: quamuis res plena pericli

Esset & excellens, quam me Kunigunda rogares,

Mox

Mox consentirem : scio enim non Regna petitur
 Iri, nam mecum pariter sociata coronæ es.
 Mens aliud dictat diuino afflata fauore,
 A teneris annis puero quod corde repostum est.
 Quam gratè id facerem, si me Kunigunda rogares !
 Dic igitur, par est fortassis utrimque voluntas.
 Kunig. Ergò sum sperans, omniq̃ue soluta timore,
 Rexq̃, Henrice tuo nunc sum stabilita fauore.
 Quum iuuenis versarer adhuc genitoris in Aulâ,
 Cum paribus sanctis, castisque ornata puellis,
 Sæpè loco lusus circum cingente coronâ
 Consedi; non luxuriam studiosa secuta, at
 Deuotis recreans castas narratibus aures.
 Sæpè pius IESVS, Virgo quoque sæpè MARIA
 Nobis sermo fuit : nec cælica defuit aura :
 Hæc dum narrantes, animus cuiusque sagittis
 Intus diuini gyrari visus Amoris.
 Ex tunc optabam (Genitor si vota liceret)
 Me sponsam sacrare Deo : sed filia patri
 Cum natu maior, non sum ausa negare maritum.
 Interea precibus rogitabam sæpè Tonantem,
 Nubere si cogar, talem det habere maritum,
 Qui facili ductu concedat vota petentis.
 Virginea ergo precor tecum connubia seruem.
 Henric. O mea Sponsa ! Soror mea ! Fraternalis tibi sponsus
 Sem-

TRAGICOMEDIA.

5

*Semper ero, tecum castos viuens Hymenaos.
 Nam fuit illa meæ semper sententia mentis,
 Virgineam potius vitam, quàm prole beatam
 Ducere, sed sociam Regnorum sceptrâ rogabant.
 Ergo seruemus nitidi candoris honorem.*
*Kunig. Quantus letitiæ dulcor mihi pectore surgit !
 Nunc igitur Dominum coniunctâ mente prececur,
 Vt pius afflatu cælesti vota secundet.*
*Caste Pater Superum, qui castis mentibus indis
 Diuinum numen: te te cui casta rogantium
 Vota placent, petimus nobis digneris adesse:
 En nos virgineâ sacros tibi mente dicamus.*
*Mater virgineo cum Gnato; candida sponsa,
 Candida Virgo simul, casto cum coniuge Ioseph,
 Nos contra impuros insultus numine vestro
 Defende, vt purè transactò temporis æuo,
 Virgineæ celo sociemur rterque phalangi.*
*Vox cæl. Pergite virginei sponsi, promitto supremum
 Numen non deerit, thalami seruate pudorem,
 Nec Veneris curate faces, nam calicus ardor
 Daemonis insultus pellet: sic grandis honorum
 Gloria in orbe foret, vos vos post tempora vita
 Fidite virgineis ambos sociabo cateruis.*
*Henr. Grates summe Deus ferimus, tibi Virgoq; grates.
 Intro pergamus, Procerum nos turba moratur.*

B

SCENA

SCENA III.

DÆMONES, BELSEBUUB, ASTAROTH, MOLOCH,
BAAL, DAGON, &c.

Bel- **S**I Phlegethontei letari limina Regni,
Ieb. Et multis volumus dominetur nostra potestas,
Sapius attendi debent, & in acta referri
Progressus vestri. Cunctos à tramite celi
Per mundi pompas, per mellea pocula carnis,
Officij est vestri, ad nostras inflectere partes,
Ut solito plures animæ truantur ad imas
Inferni flammæ. Quare nunc ordine ferte,
Quid per vos fuerit scelerum toto orbe patratum,
Num vigeat forsân vigilantia debita vobis.
Interea sedeas librum complexus apertum,
Et maculis tetrâs sociorum scribe relata.
Astar. Inferni Rector totum deponere verbis
Vix potero, per me fuerint quot tradita flammis
Lucra : mihi cœpi pervertere Turcica regna,
Et stygiis telis illis inferre venenum.
Effeci tumidis biberit sub pectore flammis
Aduersus Persas nuper Rex Turca furorem.
Hinc atque hinc frendens mox ira cœgit ad arma
Millia multa virorum, equitum peditumq; cateruas.
Vna luce neces utrimque per arma dederunt

Eter-

TRAGICOMEDIA.

Æternis pœnis animarum millia centum.

Hæc ego Rex anno feci redeunte secundo.

Belseb. Nil aliud per te tanto pro tempore gestum?

Quid piger? hinc tristem extemplo ducatur ad orcum,

Ignitis illi crucientur tergora flagris.

Tu quid habes?

Moloch. Socio multum peiora daturus.

Ipse in Christiadum Regnis mala semina sparsi.

Bels. Sic de Christicolis lator bona nuntia ferri.

Mol. Ex his creuerunt magno cum scœnore fructus.

Feci ut cum Sclauis tulit Hungarus atque Bohemus

Coniunctis animis Germanis prælia Regnis.

Innumeri cecidere Viri: sacra ipsa profanis

Miscentur: Christi vix ulli templa frequentant.

Turba Sacerdotum perijt, nec claustra supersunt.

Bels. Est aliquid, verum mallem meliora tenere:

Hæc vice nil grauius tamen in te mando statutum;

Commoda sed posthac per te maiora ferantur.

Quæ tu lucra feres?

Baal. Per me noua dogmata quidam

In Christi vulgauit agros: quem multa secuta est

Turba hominum: plures spero pluresq; sequentur.

Bels. Hoc crassis adscribe notis, & nomen & annum,

Quotquot & his fuerint à celi tramite flexi.

Dogma nouum gratum est. Quæ tu mihi commoda dices?

B 2

Dagon. Haëtenus vsque fui procerum versatus in Aula :
 Henrico feci vt nupsit Kunigunda marito.
 Hac cum vouisset semper seruare vigorem
 Virginitatis, ego genitore iubente coëgi
 Quod Bauarium Domino firmè connubia iunxit :
 Et contra votum spoliabit flore nitorem.
 Belsebub. Prô ! quid ais ? fregit Kunigundis fœdera voti :
 Quæ se promisit castos per tempora vite
 Ducere velle dies, Hymenis sponsalia fecit ?
 Hoc hoc ter magnis adscribat penna lituris.
 Sic age ne recidas, multos coniunge labores,
 Nequam mitte faces, lites & iurgia, posthac
 Vt nostri maneant : tibi præmia magna dabuntur.
 Sic igitur studeant omnes mea Regna replere,
 Magnus adhuc locus est toti qui sufficit orbi.

SCENA QVARTA.

HENRICVS, KVNIGVND, CAROLVS, OTTHO,
 PRINCIPES, cum suis Nobilibus & Seruis.

Hen. **C**Hara mihi coniūx, procerū quoque nobilis Aula,
 Quandoquidem sint lata mihi diademata Regni,
 Si Domino volumus placeant Regalia facta,
 Optatoq; regat moderamina nostra fauore,
 Rebus vt in cunctis fiat Diuina voluntas,
 Præ reliquis curare decet. Studeamus id ergo

*Sollicitè seruare; pijs per tempora vitæ
Officijs prompti, donis recreemus egenos,
Exemplum populo demus pietatis, honorem
Rebus diuinis, adeamus templa frequenter.
Et Ratisbonnam subito properemus ad urbem,
Sancto VVolfgango (cuius mors sacra coruscat
Eximijs signis) precibus committere curam
Et Regni regimen, generali vt pace paratâ
Sola fides Christi vigeat per limina mundi.*

*Kunig. Illa decet verum mentis sententia Regem;
Non mundi pompas, non carnis quærere luxum,
Non sæuis gaudere minis, non bella mouere,
Omnes per fines potius diffundere pacem,
Et Christi vulgare fidem; quæ vestra supremo
Facta Deo placeant, cuius nutu omnia fiunt.
Sic perge, & leto gaudebunt Regna vigore,
Sic Superum sedes fœlici morte dabuntur.*

*Carol. Letari meritò debent Germanica Regna,
Se tantum reperisse virum, cui calica cordi
Sit pietas, populi quem stringit cura salutis.
Fœlix illa dies, procures quâ sceptrâ dederunt
Tam celebri moderanda Duci. Et tu maxime Præsul
Christiadum gaude, venit qui pondo tyrannum
Auferat, & rebus Romanis ferre leuamen.
Tu quoque te iacta Bauarum generosa propago*

Stirpe tuâ Imperio talem venisse Monarcham,
 Ast tibi præcipuè data sint encomia laudum,
 Tam claras sancto claudis qui pectore dotes.
 Sic decet insigni virtutum sceptrâ decore
 Exornare : Polo te præmia celsa manebunt.
 Henr. Sit laus illa Deo, is solus bonitatis origo,
 Illi perpetuò debemus reddere grates.
 Nunc igitur sacras ades intremus ; ibidem
 Si dudum remoror, clauso discedite templo :
 Rursus & huc ad me transactâ nocte redite.

SCENA QUINTA.

SANCTVS VVOLFGANGVS EPIS. ET HENRICVS.

A Domino rutilus venio transmissus ab Astris,
 Henrico Regi cælestia nuntia ferre.
 Prò quàm sancta viri pietas est grata Tonanti !
 Et miseris sacrisq; viris quæ munera præbet,
 Larga manus, deuota fides, & casta voluntas,
 Quâ colit angelicam in terris cum coniuge vitam,
 Sunt accepta Deo. Sed nec pia facta carebunt
 Multiplici mercede : suos nam Rector Olympi
 In mundo cumulat donis, & postea fidos
 Seruos perpetuò Superum ad consortia transfert.
 Atq; ideò veni sanctum decorare nitenti
 Regem præ reliquis quotquot, diademate, Regnis.

Impe-

TRAGICOMEDIA.

39

Imperij te sceptrum manent, sic ordinat ipse
 Imperij Dominus: sextò cum verterit orbem
 Signiferum Phœbus, Tarpeius Præsul habenas
 Romani Regni summo tibi iure tenere
 Rex Henrice dabit. Notulis id pollice scribam
 Indicij signis in nostri saxa sepulchri,
 Illique ostendam, venit qui ad limina templi
 Per noctem vigilans, leuiter cui membra sopore
 Inuasit somnus, vigili sed corde precatur.
 Heu Henrice tuis precibus cælestia gaudent
 Numina; te præclara manet super æthera merces,
 Et celsam tua facta ferent ad sidera palmam.
 Sic propera: nunquam virtutum tramite spreto
 In leuam deflechte viam: non carnis amore,
 Non mundi allectus pompâ te crimine sædes.
 Iustitiam retine, sis & pietatis amator,
 Et tibi larga manus miseris succurrere noscat.
 Castam conserua mentem, virtutis amator
 Usque mane, vitijs nullo te tempore dones.
 Sic sic grata forent Domino tua facta supremo,
 Ad te calorū qui me transmisit ab alto,
 Hac tibi nota feram nostro quæ scripta sepulcro
 Sedulus illa legas, animo memoriq; recondas.

SCE

SCENA SEXTA.

HENRICVS, KVNIGVNDÄ, CAROLVS, OTTHO, &c.

Henr. **O** Quàm leta meis oculis affulsit imago!
 Quid vult insolitæ sibi forma rei? Ergone seruus

Me me tantopere redamas sanctissime Præsul,

Vt mihi de cælis præsens digneris adesse?

Sincerum cognosco Patrem, cognosco fauorem,

Quem mihi non digno gnato Pater optime præstas:

Quæ VVolfgange mones semper seruare studebo.

Quid verò illa volunt, digitis quæ signa sepulcro

Sunt inscripta tuo? POST SEX dignabere lucas

Visere me Domine, & securâ morte soluto,

Non peritura mihi tecum dare gaudia cælis.

Grates summe Deus, grates tibi sancte Patrone,

Quòd mihi dignatus famulo prædicere mortis

Horam, ut repperiant me fata migrare paratum.

Carol. Fælicem vobis lucem Rex magne precamur.

Henr. Heu Procures quàm leta dies! hac nocte beatus

VVolfgangus præsens, iussit quæ signa sepulcro

Scripta suo legerem: notulis en usque coruscis

POST SEX (adde dies) horam mihi mortis adesse.

Carol. Non hoc, ast aliud reputo per signa notari.

Tam festina rigens te nobis auferet ætas?

Mens aliud dictat signatum signa iubere.

Henr.

Henric. Non sic : præterea nam iussit deditus essem

Totus virtuti, ne scilicet ultima vitæ

Me lux inueniat residem, & virtutibus orbem.

Atque proinde decet, studiosum plenius esse

Me (dum vita finit) meritorum fruge beare.

Kun. Sic age mi coniunx : quamuis mihi pectore mæror

Nonnullus surgat sociam te relinquere vitam,

Nec tamen hoc opto, nec signa hoc velle putamus :

Verum si Dominus iubeat de corpore migres,

Hinc licet ima mihi premerentur corda dolore,

At solamen adest, recolens tua facta Tonanti

Grata dari, quæ te terris super æthera tollant.

Henr. Ergo rogo precibus nostri meminisse frequenter,

Vt gratam Superis mortem contingat obire.

CHORVS VIRTVTVM.

IUSTITIA, CASTITAS, PIETAS, & LIBERALITAS.

Iusti- **P**ersonent latâ pariter Sorores

tia. Voce virtutum seriem superbam,

Queis adornantur rutilante fronde

Regia corda.

Subditum Regi populum beatum

Prædico, cuius viget æqua virtus,

Nesciens fraudem sua cuique reddit

Pondere iusto.

C

Non amor nummi dominatur illi,
Nullius profunt procerum fauores,
Nec doli ficti poterunt bilancem
Flectere iustam.

Nulla prauorum simulantur acta,
Impium poenis scelus expiatur,
Et piis factis hominum proborum
Munera dantur.

Castitas. Liliū cordis niuei decoris
Seruat intactum radiante flore,
Corporis mundi Domino placentem
Mittit odorem.

Hinc procul tædæ Veneris procacis,
Hinc tuæ turpis pharetræ Cupido,
Carnis immundas maculas pudico
Pectore nescit.

Nec cares huius Kunigunda laude,
Quæ parem seruas thalami nitorem,
Et paris cælo meriti decora
Serta parantur.

Coniuges terris agitis supernæ
Angelum vitam similem cohorti,
Angelis unâ similes feretis
Sidere palmas.

Pietas. Seu dies Phœbi radiis coruscet,

TRAGICOMEDIA.

19

*Seu micent stellæ mediis tenebris,
Ad Polos mittunt precibus frequentes
Feruida vota.*

*Nunc Deum poscunt lacrimosa verba
Vt pios actus populus sequatur,
Nec sui seruis Dominus fauoris
Subtrahat auram.*

*Nunc rogant celi Dominam Mariam,
Vt sibi castè famulis sacratis,
Omnibus dignans animæ periclis
Ferre iuuamen.*

*Vel petunt altò reliquas phalanges,
Vita quas iunxit Superis beata,
In bonis illas imitatus ardor
Tollat ad astra.*

*Liberalitas. Approbo vestrum miseris leuamen,
Qualiter largè tribuat petenti
Corde clementi manus apta semper
Grandia dona.*

*Clauditis nunquam digitos egenis,
Nec refutatis lacrimas rogantium,
Vltro quin palmas potius feretis
Semper apertas.*

*Quid domos castas referam statutas?
Templa quid dicam Domino sacrata?*

C 2.

Quid feram sacris homines locatos

Munere vestro?

Gaudet in terris ope largitatis,

Quisquis à vobis cumulatus exstat:

Et quis in calis decoratus exstat

Gaudet honore.

Omnes simul. Io io fœlix properent vterque,

Tramitem recti teneant per ævum,

Et forent vobis rutilo parata

Premia celo.

ACTVS SECNDVS.

SCENA PRIMA.

HENRICVS, KVNIGVNDÀ, CAROLVS, OTTHO, &c.

Hen. **I** Am sextos anni perfecit lumine cursus
Auratus Solis currus, propè septimus instat.
Sollicito dictum VVolfgangi corde volutans,
Vicinam tandem mortem mihi suspicor esse.
Ac ideo petimus Romani limina templi,
Vt Sacros Domini Proceres mea vota salutent,
Qui pro me precibus dignentur poscere Christum,
Scilicet vt fausto concludam tempora fine.
Quamuis nullius præsens mihi conscia vita
Sit sceleris, nondum securâ mente quiesco,
Ignorans odio an dignus, num dignus amore.

Kunig.

Kunig. Perge age fac animo forti sis chare marite.
 Ne dubites, Domino & Superis tua vita probatur:
 Non etenim fieri poterit, contrita dolore
 Pectora nolle videre Deum, cui splendida facta
 Virtutum comitata placent, & premia poscunt.
 Henr. Addit & hoc animū. Superest ut nouerit Aula
 In quibus, & qualis sit post mea fata voluntas.
 Si fortè hanc citius contingat linquere vitam,
 Præcipuè volumus flagranti mente rogatos
 Vos Proceres, ut si post me Kunigunda superstes,
 Hanc, veluti par est, omnes reuerentur, & illi
 Consilio sitis. Quod nondum mente cupitum
 Exsequier potero festinâ morte peremptus,
 Commissum Kunigunda tibi decernimus esse.
 Diuitias, quas inuenies, pietate benignâ
 In miseros tribuas, dones domibusq; sacratis,
 Et sanctas ornes aras: mihi Sacra precesq;
 Subsidio cures animæ, ut si fortè luendum
 Sit quidquam flammæ, citius soluamur ab illis.
 Kunig. Ne minimò de me dubites charissime Sponse,
 Quòd si te Domini iussu contingat obire,
 Semoto quamuis disuncti corpore simus,
 Nulla tamen veniet nobis obliuio vestri.
 Quâ fieri posset socij quos nexus amoris
 Constrictos habuit viuos, post fata resolui?

Non sic

Non sic friget amor: Verum quos Vita ter arctis

Coniunxit nodis, mortis seiungere tela

Non poterunt: nunquam nostrâ de mente recedes.

Ottho. Quamuis speremus plures quod temporis annos

Concedent Superi: sed si mortis tamen hora

Te citius Bauarum mœstæ substraxerit Aula,

Quod Deus auertat, fidos Regina ministros

Nos experta feret: qualesq; superstite Rege

Exstitimus, Regis post fata manebimus idem.

Henric. Hos animos laudo Proceres: sic pergite nobis,

Donec vita manet, semper præbere fideles.

Nûc ceptum aggrediamur iter: properemus ad Urbem,

Et pedibus Tarpæi humiles Patris oscula demus.

SCENA II.

ECCLESIA & RELIGIO spoliantur à SCLAVIS.

Eccl. **Q** Vicquid Germanum latè circumspicit orbem,
 cles. Quicquid regna tenent finibus ampla suis,

Posco meis Vestros fletus mihi fletibus addi,

Heu mœror plangi non satis usque potest!

Relig. Hassi, Francones, Misnenses, Saxo, Turingi,

Hungarus & Prussi, Regna Bohema, Poli;

Austria cum Danis, & quæq; his regna coherent,

Tristes nobiscum sumite mœsta modos.

Eccles. *Vrbes cum vicis, ædes, castella, plateæ,
Arces, rus, sylvæ, flumina, pagus, ager;*

Reges, Primores, ciues & turba colonum,

Mœstitiæ quæstus corde gemente ferant.

Relig. *Et claustra, & sanctæ Sedesq; monastica templa,*

Fana, aræ, & quæque sunt loca sacra Deo;

Castâ cæterua virum, vos virgineâq; phalanges,

Heu lacrimæ ex oculis fluminis instar eant.

Eccles. *En Christi ter sancta fides calcatur iniquè,*

Illam, prò! nemo sorde leuare studet.

Verba Sacerdotum squalent lege sç; Tonantis,

Sacramenta, Cruces & pia templa gemunt.

Relig. *En sacra Relligiotelis iacet iccta tyrannum,*

Dirripitur cunctis illa decore suo.

Ædes vastantur sacræ, pia turba necatur,

Opplentur fluido sanguine casta loca.

Sclau. *Arma viri, vastate fidem, sacra tollite ferro;*

Christicolæ, Monachi mergantur cuncta cruore;

Ista superstitio procul, his discedite Regnis,

Omnia tela necent, ne sint vestigia Christi.

Eccles. *Qualiter ecce feri dominantur tela furoris?*

Vt tormenta, neces dira tyrannis agat!

Siccine cogemur maternam linquere sedem!

Siccine, quæ tanto parta labore, cadent!

Relig. *Ergo valete dolor! dolor! ô Germanica Regna,*

Vrbes, templa, viri, casta valete loca.

Non ego vos posthac diuas celebrata per aras
Cernam cincta piis religiosa uiris.

Eccl. Quid restat? Superi qui me has duxistis in oras,
Me, me, quàm miserâ sorte videte premar:

Qui castæ hîc fidei iecistis semina, sicne
Fertis sacrilegam luxuriare fidem?

Relig. Vos, vos qui nostro nutriti lacte fuistis,
Qui nunc gaudentes æua per æua Deo,
Quæ loca parta mihi vestro sudore dedistis,
Hec eadem precibus reddite quæso loca.

Vox cæl. Ne recidant animi: vobis spes vnica restat
Henricus, qui Romanam progressus ad urbem,
Vt sacris templis eius me vota salutent.

Purpureo Patri suggesti, vt tempora seruo
Illi ter celso cingat, tribuatq; coronam
Imperij, qui Christiadum vastissima regna

Dirigat. Iste procul terris scelus omne repellat:
Rursum sancta fides, & cælica Sacra vigeant.

Eccles. Grates summe Deus dignans audire precantes,
Et dare tristatis nuntia leta spei.

Ergo chara soror Bauarorum regna petamus,
Hic etenim fidei lumina clara micant:

Hic dabit Henricus tuto sub tegmine sedem,
Donec promissum gratior aura ferat.

SCENA

TRAGICOMEDIA.

25

SCENA TERTIA.

PAPA & HENRICVS cum suis.

Papa. **F**lli gr̃ate Deo dudum te sacra moratur
Turba Patrũ : nobis optato tẽpore præsẽs

Venisti, vt fausto pertingant tramite metam,

Quæ Superis inspirati concepimus antè.

Omnipotens genitor, qui dirigit omnia nutu

Quæ per diffusi contingunt limina mundi :

Qui bonitate suâ celesti numine replet

Regales animos : qui castam Regibus indit

Et sanctam mentem, arcano spiramine iussit

Præ reliquis quotquot vastus complectitur orbis,

Tempora celsa tibi triplici diademate cingam.

O gratum Superis animum ! Ter digne virorum

Imperij Augusto qui gestes vertice sertum.

Non ego carnali blandus te stringo fauore,

Sed quem suggestit Rex regum fidere nobis,

Illo te exorno, illo te complector amore.

Hen. Heu quis ego ter Sãcte Pater, quem nexibus arctis

Sic redament Superi ? Quem tu dignaris honore

Imperij ? Quem Pontificum rubra Turba salutet,

Orbem Christiadum supremo vt iure gubernem ?

Nunquid ego tantum præsumam scandere culmen ?

Ab sit : me nosco indignum nam munere tali.

D

Papa. Ne sis aduersans; oblatum suscipe munus,
Sic voluit Dominus, qui te praeuidit ab aeo,
Vt Romanorum teneas moderamina Regni.

Henr. Quandoquidem fieri iubeas ter magne Sacerdos,
Ne forsan populis decus hoc quaesisse putemur,
Dicam quae fuerit Romani causa profectus.
Nuper cum peterem VVolfgangi limina sancta,
Quem signis multis in terrâ Numen honorat:
Dum precibus Dominum posco, sanctumq; Patronum,
Orantis placido per noctem membra sopore
Inuast somnus. Subitò mihi Patris imago
Adfuit, & multis hortatur: denique versus
Marmoream tetigit tumbam, quâ corporis eius
Ossa iacent, notulis manifestis pollice sacro
Inscripsit tumulo hoc (POST SEX) sic inde recessit.
Experrectus ego, tacitè mihi pectora curæ
Pertentant: signis vicinam interpretor horam
Mortis adesse mihi, quare me præparo totus
Post sextam lucem è viuis à morte vocandum.
Transit sexta dies, mensis superadditur illi,
Quin & nunc Phœbæ bis ter compleuerat orbem,
Nec quis solliciti vexabat viscera morbus.
Ergo totus eo vertor voluisse probare
Signa mihi, sextum post annum certius esse
Tempus, quo statuit Deus vt me vita relinquat;

*Hinc igitur primò Romani limina templi
Visere decreui, Christi Procereſq; rogare,
Ut dent ſine bono præſentem claudere vitam.*

*En nunc ipſa dies rediit, quãrebar adeſſe
Signatam vitæ metam poſt tempora ſexta.*

*Papa. O benedicte Deus, ſapienti quàm ordine cuncta
Dirigiſ! Ut pulcrè reſidet tua Diua Potestas
Humanis rebus. Sancti hoc ſuggeſtio Patris
Demonſtrare ſibi voluit poſt ſex tibi Solis
Zodiacos curſus, Auguſta ut ſceptra darentur.*

Acclament igitur ter fauſtis vocibus omnes:

Io io Henricus Cæſar per ſæcula regnet!

Omnes. Io io Henricus Cæſar per ſæcula regnet!

*Papa. Nunc ergo Diuas Petri pergamus ad ædes,
Ut tibi Cæſareo cingantur tempora ſerto.*

SCENA QVARTA.

SS. GEORGIVS, ECCLESIA, LAVRENTIVS,
ANGELVS, RELIGIO, & ADRIANVS.

*Eccl. O Vos cæleſtes Ciues, quos purpura textit
Martyrij fluido ſanguine tota madens.*

Exilium infelix miſerati cernite noſtrum,

Cogimur ignotâ quærere parte ſolum.

Relig. Qui celsâ Procereſ Domini regnatis in aula,

Quoſue triumphantes cælicus ambit honos,

D 2

*Afflictas fœdè Vestras spectate Sorores,
Vt nos excrucient Undique tela malis.*

*Eccl. Sic cine dogma sacrum Christi tolerabitis angi?
Vt iaceat miserè sub pede pressa fides?*

Anne meis doctrina tygis dominabitur aruis?

Semina Christi adum praua dabuntur agris?

*Relig. Vt loca sacra gemunt manibus spoliata profanis,
Lumina casta, pudor! mersa cruore natant.*

*Et vobis sanctè fuerant quæ templa dicata,
Sacrilegæ turbæ dira tyrannis habet.*

*S. Georg. Sis te tuas lacrimas, gemitus Ecclesia fiste,
Nec tristis nimium pectore mœror eat;*

*Cæsareo Henricus cinctus diademate frontem,
Fidus defensor, spes erit ille tibi.*

*S. Laur. En vix Romanâ Cæsar discessit ab Urbe,
Cor fidei impleuit Sacra sagitta focus:*

*Cælitus accensus bellator præparat arma,
Vt procul Imperij pellat ab orbe scelus.*

*Angel. Tu quoque Relligio mœsto ne cede dolori,
Squallida nec fletu sit madafacta gena;*

*Ille ille Henricus conuulsum reddet honorem,
Fulgidius sacro culta decore fores.*

*S. Adr. Largius, vt fuerant olim, spoliata reponet,
Quæ collapsa, tibi splendidiora dabit.*

*Spera, iacta nouis cernes fundamenta templis,
Rursus florebit Relligiosa phalanx.*

Eccles. O *utinam antiquum possem sperare vigorem!*

Vt mihi solati dulcia verba sonant.

Angel. Ne dubites, ideo superis transmittimur astris,

Henrico auxilium subsidiumq; dare.

Mox illum ad bellum cincti comitabimur armis,

Credite vos paruo tempore mœror aget.

Relig. Spes noua nos recreat, tristes procul ite dolores,

Henricus rursus tempora leta dabit.

Quid dubitamus? enim Dominus promiserat antè,

Et nobis sunt spe constabilita noua.

Eccles. Ergo nunc solitas Bauarium repetamus adoras,

Donec maternus redditus or bis erit.

SCENA QUINTA.

HENRICVS cum suo exercitu, ANGELVS, SS. GEOR-
GIVS, LAURENTIVS, & ADRIANVS.

Henr. **S**Tate viri. Postquã Domini fuit illa volũtas
Romani Imperij mihi scepra vibrãda de-
disse,

Summi Pontificis mecum mandata volutans,

Sacrilegos hostes fidei delere per arma

Decreui, ne Cæsaream sumfisse coronam

In vanum videar, tantum mea commoda querens,

Si fidei causam, & Domini spernamus honorem.

Non sic me torpere decet, qui vertice triplex

Non ideo diadema fero vnctus chrismate sacro,

Sed fidei aduersos, sed debellare superbos.

Ottho. Excellens Cæsar propè sunt en limina templi,
Hic in relliquijs Adriani cernitur ensis,

Quo quondam Domini generosus prælia gessit.

Hoc soliti Reges, dum inferrent hostibus arma,

Accingi, quibus è cælo victoria cessit.

Ergo Sacerdoti dicam qui proferat illum.

Sacerd. Hûc Cæsar vobis gladiû do, & posco Tonâtem

Hoc te det fidei fortem superare rebelles.

HE NR. Iudica Domine nocêtes me: expugna impugnantes me. Apprehende arma & scutû, & surge in adiutorium mihi.

Quid video socij sacra sic spoliata profanus?

Siccine Christe feram pedibus calcariet illa?

Anne feram? Mihi quesô tuum de fidere robur

Mitte Deus, plenam ut vindictam sumere possim.

Laurenti martyr, quoque vos Adriane, Georgi,

Quorum templa iacent solito priuata decore,

Auxilium mihi ferte polis, & iuro subactis

Hostibus illa suo decorata dabuntur honore.

Quos video splendere viros, qui sideris instar

Fulgent? nobiscum qui concomitantur ad arma?

Angel. Ne timeas Henrice tibi transmittimur alto,

Venimus auxilio, nostrâ virtute rebelles

Christo deuinces: animosè ad prælia perge.

Henr. Grates summe Deus, qui dignans æthere nobis

TRAGICOMEDIA:

31

*Mittere subsidium, non illud munere nostrum,
Verum Christe fauore tuo, quo tempore seruum
Omni prosequeris: quin missis fidere Sanctis
Fœlicem factò spondes certamine pugnam.
Ecquid cunctamur miles: properemus in hostem,
En promissa datur nobis victoria celo.*

SCENA VI.

Dux Sclauorum cum suis fugatus.

Dux. **P**erdidimus socij, vix spes est vlla relicta:
Perdidimus planè, stipati robore tanto
Armorum, fuerant hominum tot millia nobis,
Tanta manus iuuenum, quantam Germania nunquam
Conspexit similem, de tot modo millibus vnus
Vix superest, à se dispersi ignota pererrant.
Quid restat? quò confugiemus? terminus omnis
Cingitur armatis: saltem si castra vel vrbes
Quædam nostra forent, ut tuti mœnibus esse
Possemus, telis hostiq; resistere, donec
Copia subsidij nobis aliunde veniret.
Sed quid tam fœdè certamine vincimur vno?
Nobilis. Quid cōtra volumus? quid nos opponere frustra
Illis conamur, queis clarum est Astra fauere?
Nam dum congregimur, medias splendore corusco
In partes cælos videor vidisse patentes.

Protinus ingenti quatiuntur lumine vultus,
 Ut possent hostes nulli dignoscere nostrum.
 Cedimur interea proprius, tum hostilibus armis:
 Plures ex nostris socium cecidisse per arma
 Constat, quam hostili fuerint certamine victi.
 Quare suaderem placidam cum Cæsare pacem
 Ponere, ni toti spoliati, serius illam
 Poscere cogamur, ne tunc optata negetur.
 Dux Scl. Siccine tot populos, tam vasti limina regni
 Henrico cedam? certaminis vnica finem
 Pugna dabit? non sic extrema probare necesse est.
 Nobilis. Ne nimium propriis confidere viribus aude.
 Nil tibi subsidij est, cunctis spoliaris ab armis,
 Et procul hostiles fugiens prolapsus in oras.
 Spondeo, si à nobis Cæsar noscatur, & eius
 Acceptare fidem volumus, quæ per dita Regna
 Reddet, & Henrico semper viuemus amicè.
 Dux. Quandoquidem superest nusquā spes altera victis,
 Fiat, vobiscum properabo ad Cæsaris aulam,
 Si forsā veniam faciat clementia nobis,
 Pacificè ut nostris possimus viuere terris.

CHORVS Christianorum exultantium.

Primus. **S** Int procul tristes nimium dolores,
 Christ. **T**erminos cordis solitos relinquant;
 Nec grauis pungat stimulante pectus
 Cuspide mœror.

Non

Non eant fletus oculis fluentes,
Nec riget vultum lacrimosus imber,
Comprimant tandem tepidos amara
Lumina fontes.

Fecit Henricus miseris leuamen
Causa quod nobis fuerat malorum,
Abstulit rursus faciens beata
Gaudia plebi.

Secundus. Io festiuè socij resultent,
Iura qui sacre fidei tuentur
Gestiant, lætis modulata cantent
Carmina plectris.

Quæ fides olim pedibus profanus
Strata sæuorum fuerat tyrannum,
Rursus erecto virides resumit
Stipite frondes :

En erat quondam spoliata sacris,
Pristino nunc est rutilans decore,
Et caput celsum radiante fronte
Tollit ad astra.

Tertius. Regna Germano procul ampla sine
Nobiles latè celebrent triumphos,
Cinctus ostentet populus virenti
Tempora lauru.

E

*Soluit Henricus veteres catenas,
 Nos quibus strictos tenuit tyrannis:
 Reddidit pulso strepitu furorum
 Libera Regna:*

*Templa letanter populi frequentant,
 Sacra restaurant solitos honores,
 Virginum gaudet simul & virorum
 Candida turba.*

*Quartus. Defleant Sclavi spoliata castra,
 Et gemant casae peditum cateruas,
 Et gemant pulsae equitum cohortes
 Marte cruento.*

*Comprimant actus nimium feroces,
 Nec petant strictis gladiis fideles,
 Nec rubro spargant fluuio cruoris
 Limina sacra.*

*Retrahas Daemon stygiam pharetram,
 Nil tuae damni poterunt sagittae,
 Nil tui prauo facient ministri
 Semine sparso.*

*Omnes simul. Poscimus summum Superum Tonantem,
 Donet Henricum superare semper,
 Ut fides Christi vigeat per aeuum
 Flore perenni.*

ACTVS

ACTVS TERTIVS.

SCENA PRIMA.

DÆMONES, BELSEVB, ASTAROTH, MO-
LOCH, BAAL, DAGON, &c.

Belf. **H**ortatus nuper fueram, quoq; tela minarū
Addideram, nostri latandi limina Regni
Ut maior vos ardor agat, quī Tartara crescant,
Et solito plures imos trudentur ad ignes.
Sed nulla ut video socij vos cura momordit,
Et surdā aure pigri & refides mandata bibistis.
Sicne cadunt Domini vestri sine pondere iussa?
Siccine nostra foret vobis spernenda potestas?
Quis vos torpor habet? Vestrae sine robore vires
Succumbunt video, solitos demittitis astus.
Olim tranandis animabus cymba Charontis
Vix satis ampla fuit; sed nunc in littore conto
Immerso residet, nec nauli lucra reportat.
Nonne fit hoc ideo quod fraudum tela quiescunt,
Et sine sanguineis plagis seponitis arma?
Nescio quid dicam? Ast timeo mea Regna peribunt.
Astar. Non ea torpori nostro residique quieti
Adscribat; nunquam maiores egimus astus.
Non desunt fraudes, non desunt spicula prava;
Sed nil proficimus: tantorum causa malorum est

E 2

*Henricus. Quondam latè Germanica Regna
 Imperio suberant nostro; nunc Cæsaris arma
 Viribus aucta Poli crimen procul omne repellunt.
 Effeci fuerant miseris fœdata ruinis
 Tempia, & sacra Fides pedibus calcata iacebat:
 Restaurantur opes, sed nunc & limina sacra
 Excelsis surgunt muris. Quin & noua castis
 Fundamenta iacent domibus noua damna daturis.
 Insuper Henrici suasu Rex Hungarus, olim
 Qui noster fuerat, tua Pluto castra reliquit:
 Utq; fides huius Regno stabilita maneret,
 Cæsar in vxorem Germanam tradidit illi:
 Non puto coniugium per terras sanctius esse.
 Præterea populi, qui Regum exempla secuti,
 Ad virtutis iter directo calle trahuntur.
 Belseb. Heu quid profertis socij? sicne vnicus ille
 Henricus potuit nobis tot damna dedisse?
 Nunquid huic fuerat Kunigundis tradita sponsa,
 Quæ vouit carnis castum seruare nitorem?
 Hisne fauent Superi, qui frangunt pacta Supremo
 Vota Deo? Tu qui Bauarum dominaris in Aula.
 Qualiter accrescunt quæ dixisti lucra ferenda?
 Dagon. Sperabam meliora dari: sed seruat vterque
 Virginæ Domino promissum mentis honorem.
 Nil ego, nil socij possunt: quos mittimus iētus*

Retrudit pietas, redeunt cum vulnere tela.
 Belseb. Accipe consilium: speciosam sume figuram
 Insignis iuuenis; sericâ tibi corpora veste
 Cingantur, cocco & gemmis orneris & auro.
 I, fac quod iubeo, & pulchrè vestitus adesto.
 Henrice efficiam nostrâ vincaris ab arte.
 Siccine te patiar totum pervertere mundum?
 Plures deuici, qui te virtute priores.
 Dagō laruat. En adsū iuuenis vestitus corpore pulcher.
 Bel. Sic placet. hinc cautè Bauarū properabis ad aulā:
 Dum cernes proceres multos spectare, patenter
 Astutus thalamum Reginae sepe frequentes:
 Ibis & intrabis te mendax plurima iactans.
 Sic fiet quod Rex zelo correptus iniquo
 Prauam concipiet castâ de coniuge mentem:
 Ex hoc grandis erit fructus, lucra multa sequentur.
 I sic fac, spero solito meliora dabuntur.

SCENA SECVNDA.

DÆMON LARVATVS, CAROLVS & OTTHO.

Dæ-
 mon. **N**unc decet astutè falso sub tegmine partes
 Exercere meas, laqueis & fraudibus uti.
 Spero progressum, spero quæ commoda ferre,
 Nam simili plures olim ratione fefelli.
 En quisquam procerum præsens versatur in Aula,

Hoc spectante iuuat nostras contexere fraudes.
 Huc furie, huc Acheron, Phlegeton mea vota secundet.
 Carolus. Quem video iuuenem Regina intrare cubile?
 An fallor? non fallor: enim rem luce corusca
 Conspexi. Accedam, ceco hoc occultus in antro
 Egressi faciem captabo & verba loquentis.
 Sed quàm lentus abest? Res est suspecta morarum.
 En venit, excipiam tacitâ quæ dixerit aure.
 Dæmon. Per plures Kunigunda sibi me iussit adesse
 Præsentem: se velle meo gaudere favore.
 Non gratum esse virum, speciosum malle maritum:
 Quare secretò procerum dum nullus in Aula,
 Ad thalamum Reginae audacter solus adirem.
 Sæpius intraui, satis est factumq; petitis:
 Ast nunc substrahere occultè me debeo; ne quis
 Nos notet: ante tamen blandè valedicere præstat.
 Car. Heu quid cerno Deus! Quid vidi! Siccine cōiunx,
 Quam castum seruare thorum reputauimus omnes,
 Interius iuuenem secretò admisit in ædes?
 Salue clare Comès: præsens mala nuntia nobis
 Lux tulit: Henrici vidi violasse cubile
 Reginam nostram.
 Ottho. Quid ais? Kunigunda mariti
 Fædauitne thorum? Kunigunda! haud credula mens est,
 Eius enim mores sunt casti, & vita probata est.

Car. Ne dubites : remorare parū, procius haret in ade.

En cernis.

Ottho. Quid ! quid ! Kunigūda ! heu mēs mihi tristis
Anxia mœstitiæ telis mea pectora lādit.

Cæsaris hinc citius pariter referamus ad aures

Quæ res visa fuit, donec tardatur in Aula,

Nec citius visus iuuenis discesserit inde ;

Plus nobis fidei fuerit, si viderit ipse.

Dæmon. Sic sic fraude bonâ res est fœliciter acta.

Cæsar adest grandi procerum comitante cateruâ,

Me dabo conspectum. Kunigundis chara valeto.

SCENA TERTIA.

HENRICVS, OTTHO, CAROLVS, &c.

Henr. **Q**uid fertis Proceres ? pactum Kunigunda
pudorem

Iurata mē, fidem calcaffet ? vt intus amarus

Cor da dolor penetrat stupefacto sanguine venis.

An credā ? an non credam ? Equidē sat vestra probata est

Mens sincera mihi ; & Kunigundæ vita probata est.

Quid faciam ? Medius dubijs en fluctibus arctor.

Quō rapiar ? Patet ecce via, ast metus obstat vtrimque !

Illius hinc pietas ; vestra hinc sincera voluntas.

Ottho. Præcellens Cæsar, par nobis sauciat ingens

Ossa dolor : quin rem mallems posse negari

Quam dici. Nec suspectum id tantum putet esse :

Sunt testes procures dictis, quod tertia lux est
 Quâ visus iuuenis Reginae tecta frequentans.
 Ecquid erit pretij Regi si falsa referrem?
 Qualis honor nobis Reginam crimine ficto
 Accusasse? Mouent autem me scandala Regno
 Danda tuo Caesar: si vadat fama per oras
 Caesaris uxorem thalami violasse pudorem,
 Quale decus Regno! Certè diademata præstat
 Perdere, quàm talis volitet de Cesare rumor.
 Hæc mihi cura fuit, quæ me (et si corde tremante)
 Rem visam splendende die dare iussit apertam,
 Ne peius veniat tacito de crimine crimen.
 Carol. Ne te conturbem verbis ter Maxime Caesar,
 Res audita mihi & visa est: his auribus ipse
 Audiui iuuenem, qui de se plurima iactans;
 Vult Regina meo (aiebat) gaudere fauore,
 Per plures me præsentem sibi iussit adesse.
 Dispeream si non fuerint ipsissima verba.
 Nec conspectus eram iuueni, nam solus in antro
 Occultus latitans, volui cognoscere finem
 Et mentis sensum, gressus & verba loquentis.
 At se non visum reputans, sibi talia dixit.
 Henr. Qualis erat facies? Non nostis?
 Carol. Non fuit unquam
 Aut aliis, aut visa mihi: sed vera fatebor
 Vultu insignis erat, vestitu & corpore pulcher.

Henr.

TRAGICOMEDIA.

41

Henr. Heu proceresimas penetrat dolor vsque medullas!
Ecquò conuertar ! grauis vt me angustia prendit !
Quandoquidem clarum est, coram Regina Vocetur.
O quantus, quantus mæstos tremor occupat artus !

SCENA QVARTA.

HENRICVS, OTTHO, KVNIGVND, VOX CÆLESTIS, &c.

Hé. **H**eu quid ego, dolor ! audiui charissima cōiunx ?
Præ mærore graui corpore membra tremūt.

Nescio quid dicam, sic me vrget pectoris angor,
Et lacrymas oculis cogit abire meus.

Accipe tu causam, Regina rem ordine pande,
Nam mea singultus gutture verba premunt.

Ottho. O Regina potens, ter Magni Cæsaris vxor,
Quæ simul Imperij splendida sceptrâ vibras ;
Tristia, prô mæror ! nostras referuntur ad aures,
Mallemus possent his meliora dari.

Heu quòd tam turpi causâ Regina Voceris ,
Vna quies Regis, Cæsaris vnus amor.

Kunig. Quid Comes Illustris dubijs in Vocibus hæres ?
Dic planè, & patulo pectore verba sonent.
Non ego contristor, sceleris nec conscia vita est ,
Mente mihi purâ crimina nulla sedent.

Henr. Spero falsa forent nobis quæ nuntia dantur,
Me tamen in dubio pectore mæror agit.

F

Otho. Quandoquidem securam mali, nec consciam menses est,
Et patefacta rei dicere verba iubes;
Quarta dies est, quam iuuenis versatus in aula,
Ignotus, thalamum visus adire tuum:
Intrans & rediens adis penetralia vestrae,
Quin ausus de se multa (referre pudet.)
Vult Regina meo (aiebat) gaudere favore,
Et me per plures iussit adesse sibi.
Illa est causa rei: ast tibi fit data copia fandi,
Et contra poteris dicere, si quid habes.
Henric. Vel solo auditu cruciant mihi corda dolores,
Tristia peruadit frigidus ossa timor.
Kunig. Ne conturberis nimium charissime coniunx,
Nec luctus mœsto frigore corda premat:
Ostendam clarè de me tibi falsa referri,
Nec mentem sordes commaculasse meam.
Ardentem proferte mihi carbonibus ignem,
Spero palam probitas quòd manifesta foret.
Henric. Eius tanta mihi reddit constantia mentem,
Sed Proceres obstat cognita vestra fides.
O utinam clarè falsum scelus esse pateret,
Et cedat nimius corde tremente dolor.
Kunig. O Deus omnipotens cælum cui militat omne,
Et quidquid claudit Styx, mare, terra finis.
Nil fit sub cælo, nil quod te fallere possit,
Sunt hominum nutu cuncta peracta tuo.

*Tu scrutans animos, penetrans penetralia cordis,
Præsens diffuso Numine cuncta vides.*

*Tu mihi sis iudex, obiectam diuide causam,
Et famulam tantis eripe quæso malis.*

*Tu mihi testis eris procerum spectante cateruâ,
Regeq; præsentis tu mihi testis eris.*

*Tu mihi testis eris quod sim de crimine munda,
Nec mentem sceleris sordidet ulla nota.*

*Sed castam seruem Henrico cum coniuge vitam,
Nec Veneris mundo pectore passa faces.*

*Henr. Heu Kunigunda meas aures tua verba molestant,
Te secreta animi pandere nostra palam.*

*Kunig. Vt noscant igitur me vera fuisse locutam,
Et me non fictè verba dedisse sciant;*

*Sit mihi iudicium accensus carbonibus ignis,
Quos nudis pedibus non tamen vsta premam.*

*Pediss. Heu timeo Regina ferro lederis ab igne,
Ac erit vlceribus plena tenella caro.*

*Kunig. Ne timeas de me, nec plores chara puella,
Sed nec tacta pedum pellis ab igne foret.*

*Virgo casta Parens, famula Patrona Maria,
Me signo hoc castâ viuere mente proba.*

*Vox cæl. O dilecta pio Superis Kunigunda fauore,
Virgineos ignes pectore Virgo fouens:*

*Perge age ne dubites, cælo tua vota probantur,
Angelicisq; choris candida vita placet.*

Ast tibi præcipue Genitrix castissima Virgo

Annuat, & custos virginitatis erit :

Hæc manifestabit castæ probitatis honorem,

Cunctis te mundam crimine scire dabit.

Kunig. Ergo tuo Virgo castissima numine firmor,

Igneæ sit sano subdita pruna pedi.

Noscite nunc proceres falsum assigni mihi crimen,

Rex Henrice tibi sit mea certa fides.

En ut carbones ardentes calco, recalco,

Et tangit carnem læsio nulla meam.

Otho. O Regina rogo supplex ignosce petenti,

Ne ficto scelus hoc ore venire putet.

Te testor cælum, te terram, testor & aulam,

Testes sunt Superi, testis & ipse Deus,

Pluribus è nobis iuuenis spectata figura est,

Cæsareosq; fuit visus adire thoros.

Kunig. Ne conturberis : scio, sunt hi Dæmonis astus,

Fallere qui vanâ nititur arte probos.

Ille sibi pulcri iuuenis circumdedit ora,

Ille palam visus, non mihi visus erat.

Sed torpent eius detracto tegmine fraudes,

Desperans propriâ victus ab arte iacet.

Quare vos tranquillo animo requiescite quæso,

Non mens vel minimo est turbine mota mihi.

Henr. Chara Deo Kunigundis, ter gratissima Spōsa,

Cui testis vitæ Curia celsa Poli est.

TRAGICOMEDIA.

45

Olim sollicitus, lætâ nunc mente quiesco,
 Anxius omnis abit corde tremente metus.
 Exulto, lætor, pectus mihi gaudia complent,
 Dum video casos Dæmonas ense suo.
 Nec de te certâ hoc scelus unquam mente putavi,
 Spem mihi semper enim pristina vita dabat.
 Kunig. Nunc igitur Domino grates ad templa feramus,
 Cuius in aduersis adfuit aura mihi.

SCENA QUINTA.

BELSEVB, ASTAROTH, MOLOCH, BAAL, DAGON, &c.

Bels. **S** Citis quot nobis Henricus ubique locorum
 Dâna ferat, fidei ut iecit fudamina Regnis,
 Quæ nostris suberant sceptris. Ne longius illa
 Procedant, nuper te instructum fraude dolosa
 Misimus, ut pravi dispergas semina zeli,
 Qui fera coniugibus succendat flamma furorem,
 Et toti Imperio veniant dispendia magna:
 Nam Regum exemplo Populi componitur ordo.
 Dagon. Arte datâ fueram plusquam feliciter usus:
 Successus aderant: nam Rex & nobilis Aula
 Obijciunt crimen Reginae. Protinus Illa
 Sumit iudicium, nostras quo subdola fraudes
 Dissipet; ardentes prunas (mirabile dictu!)
 Nudatis calcat pedibus, nec læso tangit.

*Interea vox celestis delabitur altò,
 Quæ clamat nullo Reginam crimine fœdam.
 Mirantur procures, multum miratur & ipse
 Cæsar, & erroris veniam concorditer optant.
 Ast ea Primores excusans, crimen ab arte
 Nostrâ conflatum dixit. Mox inde Tonanti
 Festiuè properant grates ad templa referre.
 Quid contrâ volumus? Quid nos opponimus Ultra?
 Illis astra fauent, nec technis cedere nostris
 Fas est, quos constat Superiorum Numine tutos.
 Belseb. Heu quid ais? Nullis ergo pensarier illa
 Damna dolis poterunt Stygijs illata ruinis?
 Siccine torpemus socij? Sicne irrita tela?
 Astar. Cessa, nec frustra curâ vexeris inani.
 Vix vllam dabitur factis adferre medelam
 Vulneribus, ni crudelis tollatur ab orbe
 Causa mali, & durâ Cæsar sit morte peremptus.
 Belseb. Non modus vllus adest, nec tantû nostra potestas
 Præsumit. Poteris tamen attentata probare
 Si fortasse Deus morbus permitteret illum
 Posse premi, tantos quantos inferte dolores.
 Illum si fortuna daret concedere fatis!
 Et quamuis Celos peteret; nam præstat vt vnus
 Saluetur, potius plures quàm praua relinquant.*

CHORVS Sanctorum & Virtutum.

TRAGICOMEDIA:

47

ANGELVS, S. ADRIANVS, LIBERALITAS, S.
GEORGIVS, PIETAS; S. LAURENTIVS, CASTITAS.

Ange- **C**onsonent turba celebranda cunctis
lus. **L**aude perenni radiosa facta,
Quis velut gemmus rutilis nitore
Caesar abundat.

S. Adrian. Si velim plenis numerare verbis,
Quae dedit nobis nitidi decoris
Caesar Henricus, satis esse centum
Ora nequirent.

En adornauit speciosiori
Gloriam sacras mihi largus aedes,
Quis erant turpes, procul inde iussis
Sordibus esse.

Liberal. Ecce totius patriae per oras,
Urbs, Domus, Castis loca dedicata
Eius extollunt sibi facta dona
Diuite cornu.

Pauper exultat cumulatus exstans,
Clastra se iactant recreata dote,
Et sibi sacros Superum catherua
Laudat honores.

S. Georg. Nomini nostro loca consecrata
Pressa squallebant pedibus profanis,
Pristina plebis spoliata laude
Tecta gemebant;

*Venit Henricus mihi cuncta reddens ;
 Reddidit templis solitum decorem ,
 Reddidit nobis solitasq; laudes
 Æua per æua.*

*Pietas. Quàm piè Christo famulantur ambo ,
 Populus quorum pietate gaudet ;
 Impij quondam, celebri vigore
 Templâ frequentant .-
 Ædibus Sacris noua tecta fiunt ;
 Urbibus cunctis noua Clausura surgunt ;
 Virginum crescunt simul & Virorum
 Candida Castra.*

*S. Laurent. Aureâ verè pietate fulgent ,
 Nobili fulgent quoque largitate ;
 Millies illis triplicata celis
 Dona dabuntur .
 Splendidas ædes mihi dedicauit,
 Queis virum castas statuit cohortes,
 Qui sonent laudes Domino Polorum
 Nocte dieq;.*

*Castitas. Casta sed virtus reliquis refulgens ,
 Luce præcedit radiosori,
 Sicut excellit radijs cornuscis
 Luna per astra.
 Vix fuit visum vt nitidi perennem*

Coniuges

TRAGICOMEDIA.

49

*Coniuges seruent thalami nitorem,
Sicut Henricus, Kunigunda castè
Tempora ducunt.*

*Angelus. Nobilis gaude Bauarum prop.ago,
Imperl sedes celebris triumphet,
Et procul fufis fidei per oras
Gaudeat orbis. Cæteri repetunt.*

*Angelus. Gaudeant turbæ simul Angelorum,
Virginum castæ pariter phalanges,
Regios actus celebrent per æuum.
Mundus & astra. Cæteri repetunt.*

ACTVS IIII.

SCENA PRIMA.

HENRICVS, KVNIGVNDÀ, OTTHO, &c.

Hē. **Q**uam verè quōdam dixsti Iob Sācte Propheta,
Multa dies hominum sine fine replere dolorū,
Morborumq; genus. Quid enim delectat in orbe
Longius à patriâ cælesti tramite tardo
Plenum tristitiæ peregrinos ducere tempus?
O fœlix, fœlix! tecum qui sorte beatâ
Perpetuò gaudens in cælis Christe triumphat.
Kunig. I fac mactè animo & forti sis chare marite.
Sicut enim fuluum purgatur in ignibus aurum,
Sic dolor exercet, probat & tribulatio iustos.

G

Clarè testatur textu scriptura patenti,
 Morborum terris patienter ferre dolores
 Esse Deo gratum : quin Diui certa fauoris
 Sunt signa, in mundo multos tolerare labores.
 Quotquot enim recoles per præuia secula claros
 In terris vixisse viros, tolerantia fecit
 Illustres, charosq; Deo, quoq; premia cessit,
 Et celebres cælo passis æquavit honores.
 Hen. Nō mihi deest animus, quin mēs quæq; aspera ferre
 Aptā manet. Quōd si fuerit Diuina voluntas
 Plura pati, patiar : nil posset gratius esse,
 Quā semper mecum fiat tua Christe voluntas.
 Sed quia fata dolor præcedens, colligo mortis
 Aduentare diem : Cassini culmina montis
 Nunc igitur petimus, Benedicte tuis sacra castra,
 Quæ pia turba virum Domino deuota ministrat.
 Quare te Benedicte peto, rogitare Tonantem
 Digneris, si visum est morbi augere dolores
 Sic placet : ille mihi mortis si nuntius adsit
 Det famulo vitam felici claudere fine.
 Kunig. Sic Caesar generose tua est laudanda voluntas,
 Et superis hæc vota placent, virtutis amantem
 Esse, pijsque suum tempus consumere rebus,
 Velle suumque Patris subiectum velle Supremi.
 Ottho. Spero Patris sancti Caesar mediante rogatu

TRAGICOMEDIA.

57

Sanus eris: morbiq̃ue graui cessante dolore
Adiutus precibus Benedicti sospes abibis.
Quid restet dubij? Plures hoc Patre medente
Sunt sani facti, quin ipsâ à morte Vocati.

Hen. Vos ergo Procures, & te charissima coniunx,
Vestra peto ad Dominum pro me transmittite vota,
Deuotâq̃ Patrem Benedictum voce rogetis.

SCENÂ SECUNDÂ.

SS. BENEDICTVS & HENRICVS.

Be- **M** Vnera larga Deo, et Superis Hērice tulistis,
ned. Calitibusq̃ viris magnos libastus honores.
Ecqua feret meritis mercedem prēmia Virtus?
Quid pretij benefacta ferent? Licet aurea cælis
Sedes te maneat, palmæ & rutilantior Astris
Gloria virgineis Superum sociata choreis:
Attamen in terris æquum est cumularier illa
Gratuitis donis, qui noscat celsa fauere
Astra sibi. Ecce mihi Cassino in monte sacratas
Ædes inuist; magno vexata dolore
Membra premit grandi renes grauidante lapillo.
Calica mercedem poscunt quæ munera donat:
Ergo vt sim gratus, penitus dabo liber ab acri
Morte, Deum laudans lætanter tecta reposcat.
Est mihi pro meritis gratandi postea voluntas,

G 2

Eius enim, munus tantillum, facta merentur.
 Vado ergo, & castum corpus stringente dolore
 Laxabo, ut solito latentur membra vigore,
 Cognoscatq; Polis mores & vota placere.
 Henrice, Henrice audiui tua vota precesq;
 Hac laudanda placet Calo constantia mentis,
 Et virtus animosa spei, fortisq; ferendi
 Vis animi est accepta Deo. En mittor ab alto
 Reddere te sanum Caesar, qui credulus exstes,
 Firmatq; fide noscas hic corporis ossa
 Esse sepulta mei; afflicto de rene lapillum
 En præsens tollo, proprijs manibusq; repono.
 I grates Domino refer, & conare supernæ
 Aulæ calorū gratam magè reddere vitam,
 Et quo cœpisti fac eodem tramite pergas.
 Henr. Grates Sancte Pater, grates Benedicte Patrone.
 O video, video! quantas teneat tibi Præsul
 Et laudes donare Deo. Mirum! ecce doloris
 Et morbi causam cerno palpoque lapillum.
 Non ingratus ero in te, qui diuā arte medelam
 Adfers, sed dona in Gnatos cumulata refundam:
 Formosisque tui gemmis ornabo sepulcrum
 Corporis, & viuo statuam de marmore celsa
 Tempia tibi. Benefacta mihi memorabor in ævum
 Corde pio, ac te te vitam laudabo per omnem.

SCENA TERTIA.

SS. AVGVSTINVS & BENEDICTVS.

August. **S**I quisquā nostros vnquā promouit honores,
 Et mūdo Superū solēnes reddidit actus,
 Optima qui populus virtutum exempla secutus
 Totum Diuinis studeat se addicere rebus,
 Ille est Henricus. Longa est narratio morum
 Et sanctæ vitæ, cælis quā totus inhaeret.
 En ut turritis surgunt ad sidera tectis,
 Quæ mihi magna loco & diti cœnobîa fundo
 Construxit, Christo & Superis gratissima castra.
 Quid multis referam quā grandia commoda plebi
 Hinc veniant? Quantæ fœcundo hoc semine fruges
 Excrescunt segetes, gaudent quo fœnore cæli.
 Bened. Nec minus ipse p̄ largissima Cæsaris acta
 Laudibus extollo: mihi sacratis noua iecit
 Diffuso firmoq̄ solo fundamina claustris.
 Non ego commemoro toti letissima Regno
 Germina virtutum, ipsis quin letissima Diuis.
 Vt primum terris meritorum stipite creta
 E mundo vsque Polum mittunt virgulta virorem.
 Testis erit rara pietatis sedulus ardor,
 Germani Regni qui latas occupat oras,
 Cunctorumq̄ replet mentes. Sacra turba virorum

*Innumeras cælis animas (queis Cæsar es auctor).
 Verborum monitu, & morum probitate lucrantur.
 Quid procul excurro? Te Henrico nemo per orbem
 Sanctis cælitibus templorum plura dicauit.
 August. O quantis Cæsar palmis donabere celo!
 Te merces cumulata manet; tibi gloria grandis
 Sertorum Angelicis manibus super astra paratur,
 Candida Virgineis tua sors est iuncta cateruis,
 Quod puræ mentis rutilanti lilia fronde
 Seruasti, nec Virginitas sit passa ruinam.
 Quin hæc Martyribus Virtus æquabitur: illi
 Exterius læsa tolerant vexamina carnis;
 Sed tu perpetuas pateris sine fine molestæ.
 Infidias Veneris, nec cedens ardua virtus
 Laudandam pugne tollit sine sanguine palmam.
 Bened. Perge potens Cæsar tantis virtutibus instans;
 Sis pietatis amans, largus, castusq; benignus:
 Exemplum reliquis præbe: breue tempus in orbe
 Viues, nobiscum felix tollendus ad astra.*

SCENA IIII.

HENRICVS, KVNIGVND A, OTTHO, CAROLVS, &c.

Carol. **E**Xcellens Cæsar, latè Germania tota
 Prædicat illustris virtutis splendida facta,
 Euse Christi adum que protenduntur in orbem.

*Cæsareum quicumque olim diadema tulerunt
Imperij, quamuis plures Virtute probatâ
Exstiterint clari, nullus tua facta præiuit.
Te solum excipio Carolum, quis Cæsar is unquam
Nostras Pontificem Romanum aduexit in oras?
In miseros, castasq; domos quis largior alter
Te fuit? Aut Regum Superis quis plura dicauit
Templa, sacras Aedes, aras, cœnobîa, claustra,
Pontificum sedes, collegia? Quilibet Ordo
Gaudet ab Henrico multis se dotibus auctum.
En ut Cassini montis sacra turba virorum
Tot tua dona stupet: Sedes Bambergica, tota
Relligiosa phalanx, Cleri populiq; caterua,
Cæsar te celebri tollunt ad fidera laude.
Quid ni longæuos viuendi temporis annos
Concedant Superi? cuius benefacta replerunt
Et terram & cælos.*

*Henr. Quæ laudas optime Princeps
Cedant illa Deo, per quem mihi facta potestas
Et datus hic animus, Regni quoque sceptrâ vibranda:
Si dignè volumus Domino seruire supremo,
Nos decet esse pios, largos, virtute nitentes,
Ne tanquam ignaui serui reprobemur ab illo.
Kunig. Illa decent Regem: sic sic charissime coniunx:
Hæc sunt grata Polis, hæc vero Cæsare digna.*

Henr. Me nouus inuasit cupido sub pectore feruor,
 Et noua me pietas mouit loca visere sancta,
 Quæ quondam Christus uiuens calcauit in orbe,
 Quæis impleta fuit generis saluatio nostri;
 Quæis sacer ille cruor perfusus. Dem oscula saltem
 Sancta quibus pressit Dominus vestigia terris.
 Ku. O Cæsar! quàm gratus amor Superum! mihi feruor
 Ille placet, similiq; Deum complector amore,
 Et pia mens ardet Solymorum visere tecta.
 Ottho. Audiui plures de sanctâ hâc dicere terrâ,
 Quod cernens illam quamuis quis saxea corda
 Gestaret, pietate madent præ fletibus ora:
 Sic antiqua mouent passi vestigia Christi.
 Kunig. Verum ne vacui pergamus, dona feramus
 Cæsareas gazas, atque aurea vascula, gemmas,
 Et sacras vestes, & picta tapetia, dono
 Quæ grato templis venerandis pectore demus.
 Henr. Sic agite; Heliacum cuncti accelerate profectum.

SCENA QUINTA.

IUSTITIA DIVINA, SS. AVGVSTINVS, BENEDI-
 CTVS, LAVRENTIVS, GEORGIVS, ADRIA-
 NVS, WOLFGANGVS, ADELBERTVS,
 Angelus Custos, Castitas, Largitas.

Iusti. **D**ecreuit meritis Henrici Diua potestas
 tia. Pôdere iustitiæ grauido dare præmia cœlis,
 Et

Et pia gesta viri rutilis ornare corollis.
 Illustres igitur vos qui super astra triumphos
 Ducitis, & Domini Proceres gaudetis in Aula,
 Virtutumq; chorus, pia pandite Cæsaris acta,
 Tam sanctam terris vitam, tot tradita Diuis
 Munera, Iustitiæ est eadem condigna referre
 Centuplicata Polo, & Superum decernere sedes.
 August. En sua quicq; ferunt oneratis munera in vlnis,
 Donaq; magna tenent, Superis quæ Cæsar in orbe
 Contulit, & celebrem in populo mandauit honorem.
 Ipse mihi largus diti cœnobia fundo
 Construxit, temploq; insigni & dotibus amplis
 Auxit, & huic addens collegia Sacra virorum,
 Qui laudes Domino decantent nocte dieq;
 Bene. Nec minus ampla loco viuo de marmore claustra
 Erexit, plures personas calibe vitâ
 Addidit, ut Domino deuotâ mente ministrent,
 Exemplo & verbis cælis animasq; lucrentur.
 Laurent. Ipse mihi pariter sublimibus alta columnis
 Surgere templa dedit, magnoq; altaria sacra
 Reddidit ornatu celebres, fecitq; per orbem
 Esse pios homines nitidos virtutis honore:
 Ac eadem quotquot circumstant munera laudant.
 Wolfg. Ille nouas terras exstruxit diuite dono.

H

Pontificum sedes : Christi per limina mundi
Effecit florere fidem ; Quid dicere multis
Conamur ? Quot vixerunt per secula Reges ,
Illos Henricus longè præcellit & antec.
Castitas. Præterea castam castâ cum coniuge vitam
Seruauit, nullis maculis candentia flore
Lilia deturpans, mundo sed pectore viuens.
Angel. Omnis virtutum series in corde refulget
Cæsaris Henrici : sed diui zelus amoris
Maior ei fuerat, nam Christo Pannonas ipsos
Addidit, & latè populum dedit esse fidelem.
Actandem quidquid morum ter sancta requirit
Vita, id in illius summo est reperire decore.
Iustitia. Percipio castos mores, intelligo sanctam
Viuenti normam, præsentia munera cerno
Quæ data Calitibus, lucrataq; commoda calis,
Vulgataq; fidem latè per limina mundi :
Ergo lucra decet condigna rependere factis.
I celer, i, propera, Henrico dic Angele custos,
Mortis adesse diem, tempus quo fidere Diuam
Mercedem, meritasq; ferat super æthera palmas.
O Henrice tibi quàm grandia præmia calo
Parta manent ! Triplici cingam diademate frontem,
Tempora ter dignis fertis niueisq; corollis,
Qui pius Imperij gestaſti fronte coronam.

*Et quia tot fidei, Superis tot lucra dedisti,
Christo perpetuum felix gaudebis in ævum,
Celsaq; sublimi statuet te gloria sede.*

SCENA VI.

ANGELVS Custos, HENRICVS, COMES
Palatinus, KVNIGVND A, CAROLVS, &c.

Ang. **H**eu Henrice, Henrice, tuæ pia tempora vitæ
Attēdit Dominus, meritis decreuit in alto
Reddere condignam palmam, sociabere castis
Virgineo felix æuo super astra Caterus:
Ergo Dei iussu vitæ tibi nuntio finem.

Henr. Electi Proceres, & tu Comes Inclyte salue.
Zodiacos solis currentis circulus orbes
Fermeter denos compleuit, quo Comes à te
Hanc Gnatam vestram Kunigundam lege iugali
In sponsam accepi. At quia nunc præsentio mortis
Aduentare diem, volui Illustrissime Princeps
Te mihi præsentem. Gnatam tibi reddo parenti,
Quæ sponsa est data virgo mihi, tibi reddita virgo est,
Vt soror & frater, sic & nos viximus vnà.

Com. Pal. Virgineâ Caesar vitam miramur, & almis
pater Kun. Splendida decursu toto virtutibus acta.
Non est qui vidit quemquam moderamina Regni
Vnquam ex Caesaribus simili pietate regentem.

H 2

Virgineam accipio Gnatam cum pectore grato.

Henr. Corpore deficio, tepido mihi sanguine vires
Discedunt, date membra parum requiescere sede.

Kunig. Præcellens Cæsar qui mecum tempore toto

*Virgineos duxsti candidæ sponse dies,
Ex illo grates refero, & tibi spondeo castam*

Vitam seruabo tempus in omne meum.

En nunc hora venit, dabitur super æthera digno

Virginitatis honos, Cæsareumq; decus:

Palma, cælestes sedes, &serta ferentur,

Sanctæ queis vitæ tempore dignus eras.

O vtinam ad cælos mors hinc nos tolleret vnâ,

Quos vnâ castus consociauit amor!

Sed quia te voluit Dominus reuocare priorem,

Maçte animo Superos Virgoque sponse pete.

Splendida Sanctorum in cælis te turba moratur,

Centuplicata ferent quæ data dona sibi:

Te nunc Angelicæ exspectant super astra cateruæ,

Te bona Virgo parens, te simul vna Trias.

Henr. Sic spero, & pro me Dominum Kunigunda precare,

Det sperata mihi præmia ferre polo.

Carol. Lugeat Imperium, tellus Germanica luge,

Cæsare quæ Henrico destituenda pio es.

Heu vbinam similis dabitur moderator in orbe!

Imperium tantâ qui pietate regat?

*Flete senes, iuuenes, flet & sacra turba virorum,
Omnibus ex imo tristia corde sonent.*

*Henr. Cessetis procures, querulosos sistite planctus,
Tristia nec mœsto pectora verba date:*

*Omnipotens Dominus, qui dirigit omnia terris,
Digno Augusta dabit sceptrā vibranda viro.*

*Omnia scripta iacent chartis signata sigillo
Nostro, quæ fieri post mea fata velim.*

*Larga peto miseris & templis munera fiant,
Bambergenſi Ædi corpus opesque date.*

*Nunc inferte igitur thalamo morientia membra,
Sento non longum tempus adesse mihi:*

*Vt tempestiuè mentis secreta reuoluam,
Et sacro recreer corpore Chrīste tuo.*

*Soluar corporeo hoc mortalis carcere carnis,
Et tecum ad celos Chrīste benigne ferar.*

*Hâc mihi nunc horâ mortis succurrite Sancti,
Angelicæ turbe, Virgoque casta parens.*

*Vox cæl. Ne dubites Henrice Polis charissime fili,
Te merces Superis magna parata manet.*

*Ne timeas, pellam Stygiâ cum fraude sathanas,
Angelicos enses subsidioque dabo.*

*Ecce phalanx cinget morientis celica stratum,
Virgineisque choriste sociabit ouans.*

SCENA SEPTIMA.

DÆMONES, EREMITA ET ANGELVS.

Dag. **H**Eu Stygij socij celeri quin pergimus ausu?
 Quæ mora nos tam lenta tenet? Nescitis.
 Henricus Cæsar languet, mortiq; propinquat? (Ut ille
 Pergamus si quid lucri fortasse feratur.

Ercm. Quæ sese obijciunt oculis phantasmata nostris!
 Sisle gradum maledictæ Sathan: quò pergere tentas?
 Quæ tibi causa viæ?

Dagon. Henrici properamus ad Aulam,
 Qui iacet egroto moribundus corpore lecto.
 Nitemur prauis quidquam conatibus illum
 Vexare, ut Stygios nobiscum detur ad ignes.

Eremita. Quid de tam sancto præsumere perfide prau
 Audes? Quid nequam? quæ te malesana cupido
 Exagitat? frustra moliris damna parare
 Illi, qui feruore Deo per tempora vitæ
 Tanto seruiuit: satius tua Tartara posce,
 Nam vacuo vanos intendes sine labores.

Dagon. Ignoras fraudes nostras astusq; dolosos,
 Quàm teneant generis diuersi tela pharetræ.
 Quin speraremus? legio mecum integra tendit,
 Quæ paribus fraudum fallendi instructa sagittis,
 Sed tempus celerare iubet.

Eremita.

Tenomine Christi

Adiuro, vt rediens illinc mihi gesta reportes,

Quidq; actum fuerit : te illo remorabor in antro.

Dagon. Sic faciam. En posuit morientia mēbra cubili.

Respice vt ex imo mittat suspiria corde !

Nunc orat ; nunc sacrapio sub pectore voluit.

Huc socij, conemur eum probitate superbum

Reddere, qui moriens turpi se crimine fœdet.

Heu Henrice tibi debentur regna Polorum :

Ter bene vixisti, nullus te sanctior astris

Exstat : quid frustra precibus tua membra fatigas ?

Angel. Inde procul Dæmon, tua nil suggestio prodest.

Dagon. Frendo, furo, moueorq;, accendor totus ab ira

Quod nullam de te vindictam sumere possim.

Frustra vexamur socij, repedamus ad orcum.

Eremita. Confuso video redeuntem Dæmona gressu.

Quare tam subito liquisti Cæsaris Aulam ?

Quid fuit effectum ?

Dagon. Damno nostro iniimus illuc :

Stabant Angelicæ, Stabant Superūmq; phalanges ;

Et mixto Henrici cingentes ordine stratum

Expectant, donec punctum morientis adesset.

Mox egressa anima est summo delata Tonanti,

Pro meritisq; Polo fruitur mercede perenni.

Nam Superū quotquot supremo Iudice coram

Munera multa dabant, ornatus, templa, sacella,
 Aras, sacratas ades, cenobia, claustra,
 Et quaecunque Sacris viuens aliisq; dedisset,
 Pondo ingens aliâ ponebant parte bilancis.
 Præ reliquis vstus Martyr dabat aurea gemmis
 Pocula, quæ dextram nimio præ pondere partem
 Flectunt. Nos crimen reperire nequiuimus vllum
 Quod libræ oppositâ possemus parte locare.
 Irâ succensus comprehendens pocula frango,
 Auremque auulsi: gladiis mox pellimur inde
 Angelicis manibus: sed Caesar fertur ad astra,
 Aligerum, circâ glomerant Superumq; cateruæ.
 Heu quod nulla Stygi possimus lucra referre!
 Eremita. I maledictæ Sathan tristes deuoluere in ignes,
 Sic deceptus abi: legio tecum licet adfit
 Vt dicis, nunquam poteris deuincere Christi
 Seruos, illi etenim sancto sunt Numine trito:
 Verum te rogitō felix Henrice, Tonantem
 Pro me posce tuis precibus: qui splēdīdus altō
 Inter Cælicolas ciues per secula gaudes,
 Nos tibi deuotos famulos dignere iuuare,
 Vt terris faustè transacto temporis æuo
 Post mortem tecum læti super astra feramur.

AMEN.

ACTVS

TRAGICOMEDIA.

65

ACTVS V.

Sequuntur miracula ex multis pauca.

SCENA PRIMA.

Quidam habens aridum brachium sanatur.

PRæ reliquis quidā miserā quā sorte premuntur
 Viuentes mundo, morbis vexantur, & acri,
 Per totam ferme vitam languore tenentur.
 En ego qui sanos vix duxi temporis annos,
 Nostram fœlici miseram dum comparo sortem,
 Optarem potius per mortem tollar ab orbe,
 Quā longo tantis cruciari tempore pœnis.
 Heu quantum doleo! totos paralyticus artus
 Dudum detinuit morbus: vix corpore sisto;
 Genua labant, nimio quatiuntur membra tremore.
 Ecquò confugiam? quod consolamen adibo?
 A quo subsidium queram? cognosco leuamen
 Quod Deus inspiras: Henrici sancta sepulcra
 Poscam, eius meritis donandam spero medelam.
 O fœlix Henrice, pium qui temporis æuum
 Duxisti, letus qui nunc super astra triumphas.
 Viuentis quondam tantum pietatis amorem
 Experti fuimus, cuius nunc maior in alto
 Est virtus, precibus misero concede iuuamen.
 O benedicte Deus meritò laudandus in æuum,
 Qui per caelestes præsens operaris amicos.

I

*En abiit morbi dolor ! ô Sanctissime Cæsar,
 Qui famulum celo dignans audire precantem !
 Grates Christi tibi, grates tibi Sancte Patrone.*

SCENA SECVNDA.

Cæcus visum recipit.

*Cæ. QVæso me ad Hērici digneris ducere tumbam,
 cus. Qui clarus signis Domino donante coruscat.
 Credo quòd illius meritis mea lumina visum
 Accipient.*

*Ductor. Faciam. Ingredimur sacra limina templi;
 Corpore prostrato debes ex pectore toto
 Sanctum deuotè rogare.*

*Cæcus. Pijsimè Cæsar,
 Deuoto te corde precor dignare rogantem
 Exaudire, polus etenim ter magna potestas
 Est concessa tibi : famulo concedere visum
 Dignare, vt celebris fiat tua gloria plebi.
 En video : grates magnas tibi Sancte rependo.
 Deuotus tibi semper ero, mihi gratia facta
 Germani latis Regni vulgabitur oris.
 Ductor. Henricus nostro nunquam de corde recedet.*

SCENA III.

Quidam serpendo gradiens erigitur.

QVàm me prô miserum ! nimium contraria fata

Excruciant ! duplici intolerandâ sorte coarctor.
Me grauis angor habet, premit & me turpis egestas.
Languenti toto contractis corpore neruis
Vix magno possum protrudere membra labore.
Si tantilla foret saltem mihi copia rerum,
Nec serpendo miser deberem querere victum,
Vel manus apta foret quidquam tractando lucrari,
Non ita conquererer : Verum sperare iubemur
Henrici sanctis precibus mihi corporis artus
Reddendos sanos. Igitur me corde fideli
Exemplò ad sacrum statui conferre sepulchrum.
Obnixè posco miserorum sancte Patrone
Ad me sic miserè afflictum tua lumina flecte :
Spondeo cum celebris vestri processio fiet,
Nudatis pedibus populo spectante per urbem
Me comitem iungam, & vestri memorabor in omne
Vitæ tempus. Agi contracta per ossa calorem
Sentio : firmanturq; pedes, languorq; recedit :
Crura nouum robur capiunt : sto corpore sanus.
O Deus omnipotens per Sanctos grandia præstans,
Qui clarum signis Henricum reddis in orbe,
Gratus ero : quæ vota dedi, completa dabuntur,
Et foret Henrici nobis venerabile nomen.

SCENA QUARTA.

Quidam fulcris innitens vigori membrorum restituitur.

H Enrice exaudito preces, & vota rogantis
 Sancte Dei pro me misero dignare Tonantem
 Poscere, qui sano tribuat mihi corpore membra,
 Multa tuum Cæsar plebs est experta iuuamen.
 Fac tua me laudare simul miracula posse.
 Cruribus en firmis sisto! Grates tibi Sancte
 Ingentes refero dignans audire misellum:
 Fiet per totum celebris data gratia Regnum.
 Ad sacrum tumulum pro signis fulcra repono.

SCENA QUINTA.

Quædam vehiculo protrusa pedes domum redit.

O Me prò tribulis cruciatam mille dolorum!
 Heu quando dabitur tranquillus finis earum
 Quas patior pœnas? Requies vix nocte dieq;
 Vlla datur, sic per totius corporis artus
 Affligor. Verùm Diuino numine mota
 Ad sancti Henrici tumulum si supplice voto
 Eius subsidium contendam, extemplo sequetur
 Plena salus. Igitur sanctas protrudar ad aras.
 O Henrice Deo summo qui gratus amicus,
 Cernas afflictam famulam, miserere dolentis.

Quid remorare? potens etenim mihi munera ferre
 Quæ posco: tantum Dominum dignere rogare
 Prome, non dubito concedet vota petentis.
 Spondeo quando diem tibi sacram aduexerit annus,
 Illa per octauam ritu festiua celebri
 Nobis semper erit. Penitus me corpore sanam
 Sentio, me pedibusq; reor consistere posse.
 O laudande Deus! clemens Henrice patrone,
 Tam citò commotus famulae pietate rogantis.
 Polliceor mihi semper eris venerabilis omni
 Vitæ decursu: cunctos celebrabo per annos
 Octo solenni ritu tua festa diebus:
 Grato corde tibi semper deuota manebo.

SCENA SEXTA.

Ductor, Obsessus, & Dæmon.

Duc- **S**ive diurna solo spargat sua limina Phœbus;
 tor. **S**eu noctis radiis illustret Luna tenebras,
 Vexor, & ingentes cogor perferre labores
 Hoc fratris casu tentatus. Nescio qualis
 Spiritus hunc agitet: medius quandoque per ignem
 Labitur, & tumidis quandoque immergitur undis;
 Illi me idcirco custodem ponere cogor,
 Ne vitam perdat fallaci dæmonis astu.
 Postquam tot mediis usus, nec plenior agro

Est allata salus, nec cessit corpore daemon,
 Ignoro quem velle modum: suasere sodales
 Caesaris Henrici sacratam poscere tumbam,
 Quem si sollicitè deuotâ mente rogaro,
 Laturum auxilium. Caesar ter sancte Patrone
 O Henrice, pius te te poscentibus adsis.
 Huic misero fer opem: teter fac spiritus ille
 Corpore discedens, tutum à vexamine linquat.
 Dæmō. Heu nequâ Hērice heu! tibi non suffecerat olim
 Tot damna ingessisse Stygi, quin mortuus illa
 Multiplices? nusquam securi possumus esse.
 Obsc. liber. Grates immēsas agimus pro munere tanto;
 Perpetuò fidos promittimus esse ministros.

SCENA VII.

Ecclesiasticus quidam cæcus à S. VVolfango monitus ad
 sepulchrum S. Henrici illuminatur.

Cæ- **O** Sacrate Pater VVolfange, ter optime præsul,
 cus. Et vos Sanctorum reliqui, quos tempore vitæ
 Deuotè colui, si quid placuere precantis
 Vota polis, misero priuato lumine utroque
 Subsidium conferte rogo; date munera vestra
 Nobilius laudare queam: dissoluite vincla,
 Quæ densis laqueis oculorum lumina fistunt.
 Wolfg. En adsum præsens humili quem voce precatus
 Præsul VVolfangus. Celis gratissima vota

Sunt equidem quæ sæpe refers : ast unica culpa
Displicet Astrorum Domino, non credulus exstans
Quæ meritis Sancti Henrici miracula fiunt.

Ergo quæ dubiæ menti correctio detur,
Hanc misit plagam : si te mox inde solutam
Esse velis, adeas Henrici suadeo tumbam,
Et decus ablati Sancto reddatur honoris.

Cæcus. Cognosco VVolfange tuum cognosco fauorem:
Me iusto carpis, fateor me criminis huius

Esse reum : quondam dubius male credere signis
Henrici cœpi, veniam pro crimine poscam.

Ad sacram tumbam ducar. Sanctissime Cæsar
Henrice, ecce tibi sistor, qui turpiter ausus
Signa notare, quibus Domino donante coruscas.

Commisam fateor culpam, mihi displicet : ergo
Digneris famulo poscenti ferre medelam,

Et tua cum reliquis gratis promitto perennè
Laudibus, expertus virtutem, prosequar acta.

O ter Sancte Tonans ! Henrice potentis in astris
Exstas virtutis video, nec posse negari,

Edoctus proprio & nostratis munere Gentis:

En oculis soliti visus mihi pristina reddis

Lumina : quæ dubiæ fidei mens abstulit ante,

Hæc reddit mens recta mihi. Promitto per omnes

Hæc tua Sancte Dei virtus vulgabitur oras.


*Semper honos, nomenq; tuum, laudesq; vigeant,
Et tua gesta feret populus lætante ad astra.*

EPILOGVS.

E*Xcellens & celse Comes, vos Ciuica turba,
Quæ teneris sancti metris de Cæsaris actis
Vobis Tungrorum pandit studiosa Iuuentus,
Sint indigna licet doctâ capiantur ut aure,
Non humilis vatis genius, sed quæsumus ardor
Mentis spectetur: cuius pia gratia præstet,
Ut placeat quidquid grato de pectore prodit.
Vidistis Sancti Henrici probitate nitentem
Virgineam vitam; reliquos actusq; stupetis
Virtutum, per quos fœlici morte recedens
Æternas cælis meruit gestare coronas.
Nec dubito tacitè quin Sancto applauditis omnes
Quas celebris rutilas replet super æthera sedes,
Et sibi quisque pares optat: fac par quoque Virtus
Vos ornet, mores eiusque referre studete,
Optatum dabitur; transacto hoc tempore vitæ,
Vnà ut cum Henrico Domino super astra fruamur.
Sic vobis optamus, & Heros Inclyte vobis.*

Cecini.

73



005643507

